

Ammasumik ataatsimiinnermi oqaluuserisassat:

- Imm. 01** **Oqaluuserisassat akuersissutigineri**
- Imm. 02** **Siulittaasup nalunaarutai**
- Imm. 03** **Balance-t**
- Imm. 04** **Nunaqarfinni inuutissarsiutitigut suliffissaqartitsiniutinullu 2014-mi
aningsaliissutaanut ilaannut Kangerlussuarmi nivinngaaviit marluk
pisiarineqartut inissisimaffissaat**
- Imm. 05** **Tamalaat**



Ataatsimiinneq aallartippoq nal. 13:05

Peqataasut:

Siumut

Knud Olsen
Astrid Bro

Kattusseqatigiit

Nini Frydkjær Holstebro

Immikkut peqataasut:

Fritz Baumann Petersen
Søren Berthelsen

Nalunaaruteqarlutik peqataanngitsut:

Soqanngilaq.



Imm. 01 Oqaluuserisassat akuersissutigineri

Aalajangiineq

Oqaluuserisassat akuerineqarput.

Imm.02 Siulittaasup nalunaarutai

Aalajangiineq

Tusaatitut tiguneqarput..

Ilanngussaq

1. Siulittaasup nalunaarutaa.



Imm. 3 Balance-t

J.nr.06.00

Maleruagassat tunngavissat.

Karseqarnikkut Qeqqata Kommunia-ta maleruagassaa.

Ilanngussaq

2. Balance. november 2014.

Aalajangiineq

Akuerineqarput.

**Imm. 04 Nunaqarfimmi inuutissarsiutitigut suliffissaqartitsiniutinullu 2014-mi
anigaasaliissutaanut ilaannut Kangerlussuarmi nivinngaaviit marluk
pisiarineqartut inissisimaffissaat**

Journalnr. 01.10.00

Tunuliaqutaq:

Nunaqarfimmi inuutissarsiutitigut suliffissaqartitsiniutinullu suliniutinut, Namminersorlutik Oqartussat ukioq 2014 anigaasaliissuteqarput. Qeqqata Komminiani anigaasaqarnermut ataatsimiititaliap aalajangerpaa, nunaqarfimmi aqutsisunit tusarniaaffigineqareerpata anigaasat agguaanneqassasut. Anigaasat inuutissarsiutitigut siuarsaanernut, attaveqaatigiinnermut, nunaqarfiullu takujuminarsarneqarnissaannut atorneqassapput. Kangerlussuarmi Nunaqarfimmi aqutsisut aalajangerpaat anigaasat Kangerlussuarmi amigaataasunut kiisalu takujuminarsaanissamut atorneqassasut. Amigaataasunullu ilaapput innuttaasunut nivinngaaviit. Nivinngaaviit piniarneqarput taakkulu sumi inissisimanissaat aalajangerneqassaaq.

Innersuussut

Allaffeqarfiup aqutsisunut innersuussutigivaa nivinngaaviit marluk inissiffissai eqqartussagaat, inissisimaffissaallu teknikkeqarfik peqatigalugu aalajangissagaat.

Aalajangiineq

Innersuussut akuerineqarpoq.

Imm. 06 Tamalaat.

Nunaqarfimmi aqutsisunit Kangerlussuarmi teknikkeqarnermi immikkoortortaq aggersarneqarpoq. Aggersaanermi nivinngaaviit marluk nunaqarfimmi ilisassat pineqarput, kiisalu Kangerlussuarmi pisut assigiinngitsut teknikkeqarfiup suliaasa ataaniittut nassuiaatigineqarlutillu apeqqutigeqarput.

Sunngiffimmi pisortaq aggersarneqarnikuuvoq ukiup tulliuuttup affaani pisoqartitsisarnissaanut pilersaarutit Nunaqarfimmi aqutsisunit tusarneqarusukkamik. Sunngiffimmi pisortaq 1. Juuni meeqqat ulluat eqqaavaa kiisalu 21. Juuni inuiatta ullorsiornissaa eqqaallugu. Aggersaanermi aamma Nunaqarfimmi aqutsisut ujartorpaat sunngiffimmi atuartitsineq unikkallarnikuusoq aallarteqqissanersoq ukiup nutaap aallartinnerani aningaasartaqaqqilernikummata. Sunngiffimmi pisortap misissorniarpaa aallarteqqissinnaanersoq.

Pinaveersaartitsisuni ataatsimiititaliaq Nunaqarfimmi aqutsisunut qinnuteqarpoq aningaasanik 24.000 koruuninik. Aningaasat erinarsortartut marluk tikisinnissaanut billitsinut, unnuinernut, akissarsiassanut innuttaasunullu unnussiuartitsinermi atortussanut qinnutigineqarput. Qinnuteqaat allagaq takkuttoq 18. Februar 2015 Nunaqarfimmi aqutsisut tamarmiullutik qinnuteqaat akueraat.

2015-mi aasaanerani piniarnissamiit 2018-imi ukiuunerani piniarnissamut tutunik umimmannillu akiliuteqarluni piniarnissami piffissat piniarfiusussat pisassiissutillu pillugit allakkat ulloq 17. Februar 2015 takkuppet Nunaqarfimmi aqutsisunut tusarniutitut. Tusarniutigineqartumi pineqarpoq akiliuteqarluni piniartitsisarneq juuli aallaqqaataaniit aallartittussatut siunnersuutigineqarsimavoq. Nunaqarfimmi aqutsisut tamarmiullutik siunnersuut akueraat.

Angajoqqaat sinniisui (skolebestyrelse) sap. Ak. 7-mi pikkorissartinneqassapput.

Ataatsimiinneq naammassivoq nal. 15:34

Ilanngussaq

3.& 4. Tusarniut akiliilluni piniartitsisarnermut tunngasoq, kiisalu pinaveersaartitsisunit aningaasanik qinnuteqaat.